

<div class="datum4">Goražde, 27.02.2009.</div> <div class="tekst_glavni">

<p>Zaključci i inicijative za prevazilaženje ekonomske krize</p> <p></p> <p>U organizaciji kantonalnog Ministarstva za privredu 27.02.2009.godine održan je sastanak Ekonomsko-socijalnog vijeća Bosansko-podrinjskog kantona Goražde.</p> <p>Ekonomsko-socijalno vijeće na ovom sastanku prezentiralo je materijal o temi "Privreda i zapošljavanje", na kojoj je pripremi radilo posljednja dva mjeseca, sa ciljem stabilizacije privrede i prevazilaženja ekonomske krize koja je već prisutna i na našim prostorima. S tim u vezi, usvojeni su i zaključci koje je Ekonomsko-socijalno vijeće uputiti prema Skupštini Bosansko-podrinjskog kantona Goražde, gdje je zasjedanje o istoj temi zakazano za 03.03.2009.godine. Uz ranije donešene zaključke za unaprijeđenje privrede, Ekonomsko-socijalno vijeće usvojilo je zaključak o izgradnji brze ceste Goražde-Sarajevo, koji će, takođe, biti upućen prema Skupštini BPK-a Goražde.</p> <p></p> <p></p> <p>Potrebno je precizirati obavezu Federacije u smislu zaokruživanja konstrukcije finansiranja izgradnje puta, jer je poznato da projekat radi Zavod za saobraćaj Građevinskog fakulteta iz Sarajeva i da bi trebao biti završen u toku ove godine. Drugi prijedlog Ekonomsko-socijalnog vijeća je uvođenje revolving fonda; to su sredstva koja bi se koristila kao poticaj u privredi. Takva početna sredstva već postoje od procesa privatizacije u iznosu od 153.000 KM. riječi su ministra za privredu Mustafe Kurtovića.</p> <p>Ekonomsko-socijalno vijeće, zatražilo je od Skupštine da uputi inicijativu prema Razvojnoj banci Bosne i Hercegovine, u kojoj se traži od banke da pojednostavi proceduru prilikom dodjeljivanja kredita privrednim subjektima.</p> <p>IZVOR: www.bpkgo.ba</p> </div>